

建昌縣志卷之六

人物志

賢達

儒碩

忠節

孝行

篤行

高隱

文苑

武功

游寓

賢媛

菰蘆之濱蚌珠鮫織岡陵之阜竹箭南金况乃歐
岳降神修浦毓秀地靈人傑何處非材以理學之
所浸淹正氣之所旁魄方且鍾于孺慕溢于閨閣
而干城之選不以家爲者何可更僕數矣以余考
覽記載多有舊志所脫落者况考覽不及與遺于
建昌縣志

卷之六

人物

紀載者邪敢不蒐而輯之俾有聞焉

賢達

漢

劉陵字孟高豫章艾人爲長沙安成長縣多虎爲
百姓害陵到官逾月虎悉出境流備皆還後拜
侍中車駕出祀南郊陵參乘上升舉欲假寐陵
蹠曰陛下萬乘主升車宜正立即蚤嚴欲寢不
當上馮天地靈祇下爲萬物觀覩耶上愧謝曰
敬受侍中之言

凌恭字遵德精通五經埋名晦跡煬帝時召爲學士後仕唐至戶部尚書

張懷約字進宏仕隋官至學士晚歸唐爲溫州司馬幼有令名鄉閭宗其德行尤博學強記文詞典麗講三禮三傳出諸儒之右性尚簡約後隱于當陽山莫知所終

郭元靖字長寧晉郭洪之後洪自太原隨晉南遷

建昌縣志卷之六 人物

家建昌元靖才兼文武隋末聚兵保衛鄉里後歸唐立功累官虔撫吉三州司馬衡州刺史以廉謹稱所在皆有政績

徐元之幼穎悟博通經史年十七擢進士累遷鹽察御史諫議大夫出爲湖州刺史遷郊王府軍史改曹州刺史有文集十卷藏子家

洪諤虔州司倉參軍見宋史孝義洪文撫傳

揚於陵字達夫本漢太尉震之裔父太清倦宦安河朔歿祿山之亂於陵始六歲開闢室江

有奇志十八擢進士調句容王簿節度使韓滉
奇於陵謂妻柳曰吾求佳婿無如於陵賢因以
女妻之辟鄂岳江西使府滉居宰相權震中外
於陵隨府罷避親不肯調退廬建昌以文書自
娛樂滉卒乃入爲鄴部員外郎以吏部判南曹
選者恃與宰相親文書不如式於陵駁其違宰
相怒出爲絳州刺史德宗雅聞其名留拜中書
舍人時京兆李實恃恩暴橫於陵與所善許孟
容不離附爲所譖短徙秘書少監帝崩宜遺詔

建昌縣志

卷之六

人物

三

於太原幽州節府獻遺無所納拜華州刺史遷
浙東觀察使越人饑請出米三十萬石賑贍貧
民政聲流聞人爲京兆尹先是編民多竄北軍
籍中倚以橫閭里於陵請限丁制減三丁者不
得著籍姦人無所影賴京師豪右大震遷戶部
侍郎元和初牛僧孺等以賢良方正對策於陵
被詔程其文居第一宰相惡其言出爲嶺南節
度使監軍許遂振堵悍戾貪肆憚於陵不敢撓
以私則爲飛語聞京師憲宗不能無惑

歸遂振領留事答吏剔決其賊吏呼曰楊公
拒他方賂遺皆私官錢耶宰相裴相亦爲帝別
白言之乃授吏部侍郎而遂振終得拜以兵部
兼御史大夫判度支王師討淮西於陵用所親
爲供軍使主唐鄧而高霞寓騰牒度支以餉道
乏及戰敗詔責之指以爲言帝怒貶於陵柳州
刺史徙原王傅復以戶部侍郎知吏部遷李師
道平詔宣慰淄青朝廷始議分其地而劉儻節
度滑州未出鄆於陵趣使上道還奏帝悅其能

建昌縣志

卷之六

人物

四

會浙西觀察使李儵外皇甫鏗素志於陵薦以
代儵帝不之可穆宗立遷戶部尚書爲東都監
守數上疏乞身不許授太子少傅封弘農郡公
俄以尚書左僕射致仕詔賜實俸讓不受於陵
器量方峻進止有常度節操堅明始終不失其
正時人尊仰之太和四年卒年七十八冊贈司
空謚曰貞孝四子景復仕至同州刺史紹復中
書舍人師復大理卿中子嗣復位宰相自有傳
贊曰於陵方重有大臣風才堪宰相而庸不

果時有不幸耶

楊嗣復字繼之數歲外祖父韓洸撫其頂曰名與位皆踰其父楊氏之慶也四字曰慶門後擢進士博學宏辭與裴度柳公綽皆爲武元衡所知表署劍南幕府進右拾遺直史館尤善禮家學改太常博士再遷禮部員侍郎時於陵爲戶部侍郎嗣復避同省換他官有詔同司親大功以上非聯判句檢官長皆勿避官同職異雖父子兄弟無嫌遷累中書舍人嗣復與牛僧儒李宗

建昌縣志

卷之六

人物

五

閔雅相善二人輔政引之然不欲越父當國故權知禮部侍郎凡二期得士六十八人多顯官文宗嗣立進戶部侍郎於陵老求侍不許喪除擢尚書左丞大和中宗閔罷嗣復出爲劍南東川節度使宗閔復相徙西川開成初以戶部侍郎召領諸道鹽鐵轉運使俄與李珣竝拜同中書門下平章事弘農縣伯仍領鹽鐵後紫宸奏事宗閔不平曰陛下當察朋黨嗣復曰覃疑臣黨臣處危而再拜所羅廷見言切乃陳邊事欲

絕其語單曰論邊事安危臣不如珏朋比
如臣嗣復曰臣聞左右佩劍彼此相笑未知
單果謂誰爲黨耶因當香案頰首曰臣位宰相
不能進賢退不肖以朋黨獲譏非所以重朝廷
固乞罷帝方委以政固慰安之是時延英訪對
史官不及知帝問延英政事孰當記之珏監修
國史對曰臣之職也陳夷行曰宰相所錄恐掩
蔽聖德自盜美名臣向言不欲威權在下者此
也珏曰夷行疑宰相賣威權資刑賞不然何自

建昌縣志卷之六 人物

六

居位而爲此言耶臣得能爲幸單曰陛下開成
初政甚善三年後日不逮前嗣復曰開成初單
夷行當國三年後臣與李珏同進臣不能悉心
奉職使政事日不逮前臣之罪也縱陛下不忍
加誅當自殄滅卽叩頸請從此辭不敢更至
書乃趨出單起謝曰臣愚不知忌諱近事雖善
猶未盡公臣非專斥嗣復而遽求去乃不使臣
言耳嗣復闔門不肯起帝乃免單夷行相而嗣
復專天下事進門下侍郎未幾帝崩中尉

良廢遺詔立武宗帝之立非宰相意故內薄
政臣不加禮自用李德裕而罷嗣復爲吏部尙
書出爲湖南觀察使會誅薛季稜劉中逸中人
多言嘗附嗣復珏不利于陛下帝剛急郎詔中
使分道誅嗣復等德裕與崔顥崔瑒等詣延英
言昔太宗玄宗德宗三帝皆常用重刑後無不
悔顥徐思其宜不欲人以爲寬帝曰朕繼嗣之
際宰相何嘗比數且珏等各有所附會若珏季稜
屬陳王猶是先帝意如嗣復弘逸屬安王乃內

建昌縣志卷之六 人物

七

爲楊妃謀且其所詒書曰姑何不教天后德裕曰
飛語難辨帝曰妃昔有疾先帝許其弟入侍待
通其謀禁中證左猶具我不欲暴于外使安王
立宥容我耶言畢戚然迺曰爲卿赦之因追使
者還取嗣復潮州刺史宣宗立起爲江州刺史
以吏部尙書召道岳州卒年六十六贈尙書左
僕射諡曰孝穆嗣復領貢舉時於陵自洛入朝
乃率門生出迎置酒第中於陵坐堂上嗣復
諸生半兩序始於陵在考功擢浙東觀察

師稷及第時亦在焉時人謂楊氏上下門生也
以爲次嗣後五子其顯者授損

授字得符于比第竄賢由進士第遷累戶部侍郎
以母病求爲秘書監後以刑部尚書從昭宗幸
華從太子少保卒贈尚書左僕射子熒

張字公隱累擢左拾遺昭宗初立數遊宴上疏極
諫歷戶部員外郎崔胤招朱全忠入京師張挈
族客湖南終諫議大夫

損字子默由蔭補藍田尉至殿中侍御史家新昌

建昌縣志卷之六

人物

八

里與路巖第接巖方爲相欲易其旣以廣第損
族仕者十餘人議曰家世感衰繫權者喜怒不
可拒損曰今尺寸土皆先人舊貲非吾等所有
安可奉權臣邪龜達命也卒不與巖不悅使損
按獄黔中踰年還三遷絳州刺史巖罷去召爲
給事遷京兆尹與宰相盧攜雅不叶復除給事
中陝號軍亂逐觀察使崔蒨命損代之至則盡
誅有罪者拜平盧節度使徙天平未赴復留平

官下

論曰於陵避親不調退廬建昌故爲建昌人子
若孫仕者皆顯嗣復相文宗武宗領貢舉門生
置酒第中迎於陵在洛於陵孫刑部尚書授從
昭宗在華御史損與宰相路巖接宅而居在魏
曾孫左拾遺嬰挈家族避朱溫亂在湖南考唐
書宰相世系楊氏唐世宰相十一人於陵爲越
公房子孫其祖籍弘農而開闢至河朔其子孫
蕃盛亦非聚族而處於茲者今縣西四十里有
楊家岡居人姓楊自云是其後裔指江之中流
建昌縣志卷之六 人物 九

爲先世故廬丘墓所在考唐代德間至今十六
五甲子凡九百餘年以非游寓比故具考其占
籍本末如右云

卷之六

洪師民博學多才登熙寧三年進士爲石州司法
叅軍性至孝以毀卒娶黃山谷太史女生朋芻
炎羽俱有令望號四英潘邠老贈之詩以比謝
之封胡羯末累世義居太宗時婺婦陳氏守節
勸其夫歸授以官資旌其門曰義門

李常字公擇南康建昌人少讀書廬山
既擢第留所抄書九千卷名舍曰李氏山房調
江州判官宣州觀察推官發運使楊佐將薦改
秩常推其友劉琦佐曰世無此風久矣并薦之
熙寧初爲秘閣校理改右正言知諫院王安石
初與常善及立新法常疏言均輸青苗傳會經
義何異王莽猥析周官流筭天下安石遣所親
密諭意常不爲止知鄂州徙湖齊二州齊多盜
常得黠盜刺爲兵使在麾下盡知囊括處發屋

破柱拔其根株半歲間誅七百人姦無所匿元
豐六年召爲太常少卿遷禮部侍郎哲宗立改
吏部戶部尚書或疑其少幹局慮不勝任司馬
光曰用常主邦計則人知朝廷不急于征利聚
斂少息矣常轉對上七事曰崇廉恥存鄉舉別
守宰廢貪贓審疑獄擇儒師修役法時役法差
免二科未定常謂法無新陳便民者良論無後
已可久者確今使民俱出貲則貧者難辨俱出
力則富者難堪各從其願則可久爾乃折上條

上之拜御史中丞兼侍讀加龍圖閣直學士論
取士請分詩賦經義為兩科以盡所長初河決
小吳議者欲導還故處常言京東河北饑困不
宜導河詔罷之徙兵部尚書辭不拜出知鄧州
徙成都行次陝暴卒年六十四常長孫覺一歲
始與覺齊名俱受知于呂公著其論議趣舍大
畧多同所終官職又同其歿先後一夕云宋史
論曰孫覺李常力諍新法寧失故人之意毅然
去之而無悔賢哉按呂原明家傳言原明與明

道橫渠孫覺李常遊由是知見日益廣大蓋敘
其得師友之助也可見公擇是時鼎立于諸大

儒間為有道之所嚴重如此

宋汝陰王明清揮
塵錄云李成季昭

玘元祐左史自號樂靜居士五代宰相李濤
五世孫濤至本朝以兵部尚書莒國公致仕
尚書當時官階也其家自洛徙齊成季猶子
漢老邴也南渡初位政府一時大詔令多出
其手秦少游作李公擇常行狀云遠祖濤五

代時號稱名臣仕皇朝為兵部尚書封莒國
公莒公少時仕湖南有一子畱江南公其裔

孫也所以今為南康建昌人世號山房李氏
成李與公擇鄉里雖各南北要是本出一族

子孫皆鼎盛不知後來兩家曾敘昭穆否爾

野夫常之兄博覽羣書以文學官

使

李彭字商老常之孫家學淵源無所不通黃太史
魯直稱爲令器

柳宏由咸平進士爲江州德化令每過廬山嘆爲
天下寬幽絕處後官九鄉築書堂于紫霄峰
下鑿池名故里以二邑比隣若在故里也今呼
其地亦曰故里坊

李公懋字子勉登紹興進士累官江西提舉召對
陳五事擢監察御史高宗駐蹕建康大臣請還

建昌縣志

卷之六

人物

十三

臨安公懋力排秦檜以爲不可疏三上不報出
爲湖北提刑遷太府少卿剛正無私終湖南漕
運

劉漸字鴻舉紹興間進士凡三上書排秦檜以老
致仕

雷深字朝宗胡銓一見大加稱賞張栻尤推重之
出守姑熟鄱陽江西湖北至尙書

鄧翰字伯衡鄧興字伯載翰七歲輿八歲理宗朝
皆由神童科十七十八登第翰授黃梅

授歙縣司戶所在並有政聲

燕公楠字國材以薦辟五遷通判贛州元世祖平江南以平廣南功遷同知吉安府總管府事召至上都奏對稱旨賜國名命參大政辭參江浙行中書省事移江淮請屯田田日墾闢劾罷貪橫極諫柔哥蠹政薦伯不灰等十人又薦安童世祖用其言以減權稅見元史本紀元貞元年進河南行省左丞釐正鹽法改拜江浙行省右

建昌縣志

卷之六

人物

十三

丞卒京賻贈有加命朝臣護喪歸葬德安縣之烏石門

謝珪字西蟾宋丞相謝方叔四世孫至元間以蔭授建寧路權茶提舉

鄭翔字朝舉習歐陽率更楷法衆高廟行草逼真遭亂避地奉二親脫走猶攜小學四書宋名臣言行錄自隨舉孝行辟克椽吏同儕獻言稅青莽以增課力爭沮之民免加賦之害省府其

撫州府志卷之六 人物
從行會吳激下第客呂倅所劄因
得識激比壘激為翔銘其墓呂正甫者父朱
文公門人並詳誌銘

洪汝懋貢禮部官東湖書院博士吳澄題姚博士
與洪汝懋贈言後曰豫章四洪黃太史之甥也
玉父之後有汝懋文工才俊由國學生預貢禮
部蒙特恩出長東湖書院行之時博士姚君所
以教戒之者至矣尚思無負于博士之言哉

建昌縣志卷之六 人物

十四

楊淞字公謹由府諸生博通五經洪武八年以經

明行修舉任國子監助教陞祭酒

按張志淞父晉卿元末由

上舍生為溫陽令懋子善字叔良
洪武庚午以耆儒舉授麻城令

黃榮字居仁由歲貢入太學中南都鄉試候選部

試呈卷太祖奇之擢授兵部車駕司主事遷禮

部員外郎刑部郎中以敏練稱職轉廣西太

知府丁艱起廣東韶州府以最調湖廣襄陽府

清正慈祥所在見思懸車十有餘年義方訓

恭儉諧命是為鄉邦典型

魏源字文淵號愛竹幼而岐嶷喜讀書習于禮部
十三能屬文不樂乙酉領鄉薦明年第進士初
還家積學以待用召授監察御史所至舉其職
松江知府黃子威被誣不能白公為辨其枉浙
東徬海民困于漁課為奏減之西安大疫督有
司具醫在瘡全活者甚眾涇州有寇為民害公
廉得之亟請兵殄除父母相繼卒皆奪喪起任
職為御史九年陞浙江按察副使未幾召還署

建昌縣志卷之六 人物

十五

刑部左侍郎會河南旱饑民轉徙乃命公為河
南左布政使至則發倉廩以賑民奏免漕賦省
徭役及諸不急務一以安民為事民稍稍來歸
而兩亦克足是歲有年召為刑部左侍郎食從
二品祿或言四川邊務多弛命公往理之明罰
飭法衆務修舉還朝拜刑部尚書獄無滯囚凡
公所決斷者人人自以為不寬時上注意邊事
又命往西北督察諸將謹防邊以便宣從事邊
鄙

等慢令當必諸將始嚴憚不敢肆自天城抵新
州視險要地空守者凡八分命諸將守之請增
修開平龍門城使高大皆贊以贊又自獨石抵
宣府增置墩堠發開平龍門兵併力爲之凡諸
大城堡請神銃火藥蔽爲備上皆從之再遣勅
嘉烏時諸軍有依托權豪避役公悉搜括歸伍
權豪側目一弗顧既而病足詔免朝參久之累
疏乞致仕上許之降勅慰諭賜鈔三千貫大夫
君子皆恤其去而亦莫不以爲榮歸一年而疾

建昌縣志卷之六 人物

終于家享年六十有三事聞上遣官賜祭命有
司治喪事王文端公爲作御塋神道碑焉公忠
厚坦亮孝于親友于兄弟睦于宗族而信于朋
友與人言必依于仁義其襟度怡曠洞然見肺
腑事有可疑者得公處之衆無不慙意凡公所
蒞人至今譽歎不怠子五鑑鐸欽銓銘孫男十
三瑛瑞璋瑾環珮珂珪珥玼珉公卒之明
年九月十日塋于邑之甘泉鄉黎家山之原先
是孝忠文公時勉爲先生作傳及敘注爲詩若

像贊贈先生者皆當時骨鯁魁壘之士其言皆足以潤色鴻業非苟諛人者歷數百年煥燼之餘猶鐸錫炳蔚於今也今按其名跡尤著者得若干人詮次其爵里附于傳後以著公之交譜又以知斯際人才之盛焉薛瑄蒲州河津人謚文清著讀書記從祀文廟有魏于謙錢塘人宣德間巡撫河南公致仕歸里序與魏公同事英廟復辟被誣謚肅愍改忠李時勉安福人祭酒號得人稱化加贈改謚忠文于魏劉球安福人謚忠愍忤公有傳有像贊有祭文劉球閩振使馬順殺公于獄于鉞針皆進士楊士奇泰和人文貞公號有送魏公長句一首楊士奇西楊有像贊一首

建昌縣志卷之六

人物

七

楊榮建安人文敏公號楊溥石首人文定公號

建昌律詩又像贊一首以上王英金谿人文忠

三楊皆以相業顯名于世王英公直諫有規

人過有贊又有王直太和人文端公吏部尚書

送致仕歸序王直時江西有二王王英西王

公為東王皆名臣王驥東鹿人靖遠侯忠毅公

有像贊有送行詩王驥行在兵部尚書像贊一

首劉定之永新人文安公成高穀揚州興化人

陵入閣有何文淵廣昌人太子太保吏部尚書

致仕詩太和典史中狀元入內閣謚劉儼

曹鼎寧晉人太和典史中狀元入內閣謚劉儼

吉水人正統七年狀元文沈榮松江人兄度同

介公有送歸建昌律詩一首又像贊真淮永嘉人

事長陵景陵入翰林于時一楊真淮永嘉人

下皆友重之有律詩一首又像贊真淮永嘉人

文簡公

相仁寬英三朝徐理

有像贊一首胡濙

有送致仕胡濙

榮歸詩序胡濙

人又肅公有像贊有送

致仕歸里律詩又祭文

同事宣廟苗衷

有像贊

學士英宗北狩敘自南京

書王道歸過三楊有像贊

有致仕馬愉

律詩新安人官冢宰

北圻新安人官冢宰

堅忍持正像贊一首

上二十七人皆公立朝比肩

事者又有李文達公賢著古

建昌縣志卷之六

書魏源為人倜儻豪邁不羣

臨事直前當之民感其惠凡

刑部不刻其待僚屬也所見

不可解者既過或別事相合

嘗怒者僚屬以此敬之又

東日記內一條謂楊武襄公

來受知于閣中廬陵楊公

指揮社衡所誣以魏何書源

此二公逮事裕茂二俊又在

魏公論定之後

覆旨而衡既席西

指揮社衡所誣以魏何書源

此二公逮事裕茂二俊又在

魏公論定之後

人物

十八

若前此諸君子之與公同時者其追美之不置
又若此

胡璉字宗器由國子生授監察御史陞山東按察
使才德俱優政聲大著

胡一作陳

胡新字啟迪永樂辛丑進士任知縣轉御史陞副
使生平賦性介直養士恤民所在立碑紀德
曹崇字子高由國子生授吏科給事秉德不固言
論悉當擢陝西按察使風紀振肅

周鑑字克明號澹軒正統年貢任湖廣沅江縣知

建昌縣志

卷之六

人物

十九

縣有敏譽爲政仁恕吏民德之

黃輝字有融景泰辛未進士任給事中累陳章疏
賜一品服奉使滿刺國官至廣西提學僉事興
學校率孝悌肅清風紀綽有政聲

黃玄齡字崇壽成化丁未進士任翰林院檢討端
謹修飭後以母老終養不出平居手不釋卷杜
門不涉公事恬退雅操終始無失德

黃祺字惟德登進士任吏部考功郎中清查積滯
隨陞貴州按察使處置上苗有法陞雲南布政

從都御史毛伯溫征勦安南乞歸恬退自守
熊燁號震泉授黃陂令以寃調慈谿兩邑士民咸
稱其廉平入補大理正遷衡州守以事忤江陵
用馳驛例中之解職閒住江陵敗後起甘肅憲
副不就居鄉二十餘載稀入城市未嘗以田土
負貸與小民競同胞兄弟七人兄提舉煥弟別
駕娘並有時譽同時隱處分日酣暢里中悉稱
其孝友云

戴鐘號印鋒萬曆丙子鄉魁授壽寧知縣地土磽

建昌縣志

卷之六

人物

二十

确小祿郎饒公于城內外建社倉勸富民輸粟
登數申報多者榮以冠帶少者确以尚義仍于
各社擇殷民有行誼者司其出入民以永賴望
忠州知州推誠布信恩浹遐荒有循良之譽

涂必遷號若谷中萬曆己酉科丙辰會試副榜授
奉新縣教諭累陞鄖陽府同知署襄陽府事勳
寇安民所在尸祝年老致仕

李學夔字唐鳴少能文工書法仕徐州二守左遷
衡府長史罷歸侍母十二年爲人長者邑宰羅

公尚忠廉知其賢加禮以式多士

熊德陽字日乾別號青嶼萬曆丁未進士釋褐高
明知縣調煩浙德清縣考選刑科給事中天啟
二年調外崇禎初召環兵科庚午副詹端黃道
周典浙江試事以用夫馬簡舉調外甲申薦起
不就隱居雲門壬午年八十以疾終于家高明
縣事簡日亭午放衙讀書如諸生時比赴浙稱
貸爲裝而行德清賦伯什于高明竟任不名一
錢後兩地皆祀名宦在刑科時璫鬪履霜之始

建昌縣志

卷之六

人物

二十一

德陽所指切中官爲多如管大工選大婚兩內
使蹂躪騷擾諸不法狀皆引繩悉數之又齊進
忠盜御爐陵監曲護之必請下法司提問曰主
上初政宜先肅左右以正朝廷云奉差祭告北
嶽往還遼東軒輊經撫入告定柄人指樞臣張
鶴鳴遂借簽駕帖事叅論降調時駕帖有等字
德陽誠切官族不得借隻字波及無辜而齟齬
者以謂阻撓于是廷臣倪思輝楊漣李應昇
宗廷皆不平爲德陽沈雪而葉向高鄒元標

問達陳鼎昌又皆先後請賜環不聽已而楊漣
劾魏闡二十四大罪疏引德陽等九人被斥爲
閹第七罪而阨綦烈矣傳會者又誣誅不已造
爲點將錄及大幽小幽之說臺則以方震孺爲
首而次及于江秉謙省則以劉弘化爲首而次
及于德陽時則降調去國有日猶得跽伏無他
豐耳公論漸明乃以原官召用庚午推墜太僕
少卿啓事上矣而以疏叅王家宰於是并啓事
兩皆留中仍以原官典浙江試事竣用夫馬簡

舉例調而實豐在家宰一疏黨錮猶未解也其
性行淳至外無造次之華而潛心內朗諸厚躬
及已不使人知非與周旋久者不能見其所存
少與東鄉魏光國以文字交厚比考選江西缺
司官秉銓者擬正推德陽而以大行光國陪光
國侍舊諷德陽讓已德陽卽以便養爲牒齎投
銓司于是大行以得正推而物論起矣北嶽之
差例遺勳臣東寧侯焦夢熊而德陽序應册封
益濟會東寧告病代東寧者應同科陳所志所

志均病圖歸省乃請德陽以祭易封
易播之義吾何渠不若古之人遂以易之其
讓皆此類其居官立朝大節皎皎史冊至于孝
友謙和里鄙誦德詳在家乘順治庚子崇祀鄉
賢文集若干卷藏於家

周國廉字肖川鄖陽丞國庠弟也官涿州丞有惠
政罷歸涿人馮太保公懿德之感舊不衰也國廉事兄
執禮如弟子之于嚴師傅士林誦之

戴文衛字季貞號齊存縣南麻籍人東廣大叅瓊

之裔也曾祖煥以廩儲賑饒多所全濟文衛少

好學工文貧不能娶蒙知于穉守廣陵袁公懋

貞爲給聘幣特加優厚司理江陰李公應昇課

之白鹿洞學成選天啓壬戌恩貢授長沙府通

判流寇圍城分守北門扞拒旬日乃退又討天

王寺賊有功紀錄楊大學士督師湖南餉兵萬

石皆倚文衛糴買艘至彝陵連檣不匱士無脫

巾川薦擢瓊州府同知鼎革歸里藏書克棟內

外典丹鉛殆遍默識淹該翰撰劉同升嘗言

美吳門文衛之瓊過同升里見贈以詩曰謝
墩上憶同遊景物蕭疎筆墨收自有聲名高
聲還看治行最瓊州人生得意唯觀海絕微
清在運籌三載政成需名對如君知遇定能
鄒魁明字彥先以文學受知於推官李公應昇提
學陸公之祺廷按汪公泗論皆教育之中崇禎
丁卯鄉試授永興縣教諭署永之東安縣備撫
陳睿謨駐兵于永以東安賊藪謀于道府將駢
誅之魁明力爭曰東安扁船爲害江湖信有之

建昌縣志

卷之六

人物

二十四

其民何罪凡三往復得請始議治扁船之法
師合縣戶祝旣而守道曾櫻太守晏日曙司理
萬元吉皆一時人望雅相愛重移署道州備禦
八排清餉汰兵訓練紀錄奉檄貴州分考得十
五人由國子學正陞兵部司務召對敷奏嘉納
陞職方司主事督理九門兼管有恤分較武試
取閩鐸等三十五人協守宣武門疏言官軍有
籍無入請嚴內臣包昌豪右買克之禁奉旨有
裨軍政者爲令陞督師

城甲申城而南補河南按察司監軍僉事丁外
邦屬事

建昌縣志

卷之六

人物

五十五

宋史分列道學儒林若徑庭然邑人李敬子獨與黃勉齋方軌朱門同躋道域自餘諸賢列儒林者不得參廁于其間故今于舊志人物中別爲儒碩一門以敬子爲宗而凡邑人之受學于朱門蒙許可者皆以次序列而後世理性篤行之士附焉庶幾乎邑之景前徽繼絕學者有所宗嚮浸浸乎接踵興也

又曰白鹿書院宗儒堂祀三賢周濂溪朱文公陸

建昌縣志

卷之六

人物

二十六

象山也從祀十四人建昌與者四人李敬子呂炎胡泳呂燾也考亭門人見淵源錄者建昌八人四人見白鹿洞從祀四人李輝李孝述周謨余朱傑也舊志雖載姓名而畧其遺事今于淵源錄搜輯補之內有史傳祭銘諸篇以其有關學行正與語錄等不可作文字觀故不以入藝文志而餘亦唯志學啟行足可爲後賢矜式者推而附之

宋

李燔從祀白鹿洞宗儒祠又祀南昌正學書院

二先生祠又祀南昌名宦祠以管添差江西運
司幹辦公事也宋史道學傳摘畧曰燾字敏子
建昌人中紹熙元年進士第授岳州教授未上
在建陽從朱熹學熹告以曾子弘毅之語且曰
致遠固以毅而任重貴乎弘也燾退以弘名其
齋而自儆焉至岳州教士以古文藝闢射圃令
其習射祖母卒解官歸承重改襄陽府教授往
見熹熹嘉之凡諸生未達者先令訪燾熹謂人
曰燾交友有益而進學勇可畏且直諒樸實處

建昌縣志卷之六 人物

事不苟他日任斯道者必燾也熹歿學禁嚴燾
率同門往會塋視封窆不少休郡守請爲白鹿
書院堂長學者雲集講學之盛他郡無與比除
大理司直辭尋添差江西運司幹辦公事江西
帥李珣漕使王補之交薦之會洞寇作亂燾曰
寇非吾民耶有司貪刻者激之將校之邀功者
逼成之耳燾請自在會近洞諸巡尉察隅保之
尤無虞者易置之分兵守險馳辯士論賊逆願
神廟寇皆帖服洪州江漲隄壞久雨輒修

于漕歲修之田皆沃壤漕司以十四界會子
日須乃視民稅產物力各藏會子若干不時點
閱燔爭之曰錢荒楮涌子母不足以相權而抑
民藏之是棄物也誠能節用先穀粟之實務而
不取必于楮幣則楮幣爲實用矣劄入漕司卽
弛禁詣燔謝燔又念社倉之置僅貸有田之家
而力田之農不得沾惠倡議裒穀創社倉以貸
佃人有旨改官通判潭州辭不許真德秀爲長
沙帥一府之事咸諮燔不數月辭歸當是時史

彌遠當國廢皇子竑燔以三綱所關自是不復
出矣真德秀及右史魏了翁薦之差權通判隆
興府江西帥魏大有辟克參議官皆辭乃以直
秘閣主管慶元至道宮燔乃薦崔與之魏了翁
真德秀陳宓鄭寅楊長孺丁黼葉宰龔維藩徐
僑劉宰洪咨夔于朝紹定五年帝論及當時高
士累召不起者史臣李心傳以燔對且曰燔乃
朱熹高弟子經術行義亞黃幹當今海內一人
而已帝問今安在心傳對曰燔有康人志節以

人理可旨召不起陛下強起之以宣講筵其稱
聖學豈淺淺哉帝然其言終不召也九江蔡念
誠稱熾心事有如秋月熾卒年七十贈直華文
閣謚文定補其子舉文學仕凡四十二年而歷
官不過七考居家講道學者宗之與黃幹並稱
曰黃李孫鑣登進士第 岳亦齊珂著有程史
為敬子作傳其畧曰南康屬邑曰建昌修水經
焉元祐尚書李公擇常居其上宗派皆承素業
以儒名有曰敬子熾者登進士第為禮部易經
建昌縣志卷之六 人物

二十九

魁授岳陽郡博士其祖母黃氏叔敬子請解官
與諸叔俱行喪義聲振一時既復分教襄陽武
帥某者擠之敬子解其意一夕解印綬遁去城
關以狀白帥劾擅去官守有詔免所居官敬子
既歸躬鋤耒其樂不改后廟祀甚古今葬制為
通行築室耕讀以待學者橫經其間士爭趨之
與議亟稱其賢嘉定辛未詔除大理司直朝路
欽欣望其來敬子力辭遂添差江山而潛歸方其
居鄉時士子向風不遠千里至晦菴朱先生在

建昌府志卷之六

人物

禮王飛子也歷代小史第六十卷有李敬子傳
與程史同 朱文公語錄曰敬子堅苦有志又
曰敬子甚卓立然未細密 朱文公答劉季章
書曰敬子諸人却甚進此亦無他只是渠肯聽
人說話依本分循次序平心看文字不敢如此
走作閒話耳 又答劉季章書曰近來福州得
道鄉南康得敬子說誘得後生多有知趨向者
雖未見得久遠何如然便覺得此個氣脈未至

建昌府志

卷之六

人物

三十

斷絕將來有可望者 朱文公答周舜弼書曰
敬子志甚勇而功夫未密更宜相與切磋令精
細平穩乃佳耳觀其病痛與長孺頗相似 黃

勉齋書問曰向來及門之士惟尊兄端可承衣

鉢之傳 考亭淵源錄載敬子遺事曰敬子嘗

云欲君德之美當重保傳之選欲士風之美當
正教取之意欲吏道之良當久其任欲民俗厚

當興禮樂欲強甲兵當儆寓兵之意欲足

當急農桑之務明南昌太子賓客胡儼作

縣學記曰余自少爲諸生嘗聞諸老先生言孫
章之學宗雙峯饒氏雙峯得之李弘齋弘齋則
溯紫陽朱子以續夫濂洛之傳者也初勉齋黃
公爲新建丞與弘齋講學于茲極論道德性命
之旨當是時雙峯實從弘齋而與有聞焉雙峯
之學傳之徽菴程氏徽菴之學傳之吳文正公
其所以開來學者實肇于此諸君子接踵從遊
者可不知所重哉知所重則知所本知所本則
紛華聲利舉不足動其中矣願相與勗之

李輝字晦叔南康軍建昌人疑熿之兄大全集
其問答甚多考亭淵源錄載李輝遺事晦叔嘗
云心之存亡出入特繫于人之操舍如何耳但
聖人則不操而常存衆人則操之而後存也先
生云只一操字已是多了晦叔久而未喻後有
龜山解七十而從心所欲之義謂聖人從容中
道無事乎操然後始悟先生批誨之意正是爲
已存者設

李孝述字繼善熿之從子大全集載其問答一

考亭淵源錄載李孝述遺事曰所示疑義各以所見附于左方矣來喻甚精到但思之過苦恐心勞而生疾析之太繁恐氣薄而少味皆有害乎涵養踐行之功耳

胡泳號桐源著四書衍說見考亭淵源錄從祀白鹿洞宗

儒祠 朱文公語錄曰胡君堅苦 語錄又曰

泳居喪時編次喪禮自始歿以至終喪各立門目嘗以門目呈先生臨歸教以編禮亦不可中輟泳曰考禮無味故且放下先生曰橫渠教人

建昌縣志 卷之六 人物

三十二

學禮呂與叔言如嚼木札今以半日看義禮文字半日彙禮書亦不妨泳問林子武以謹獨爲後以戒懼爲先謹獨以發處覺得也是在後曰分得也好文問余因秀謂戒懼是保守天理謹獨是檢防人欲曰也得又問覺得戒謹恐懼與謹獨也難分動靜靜時同戒謹恐懼動時又不戒謹恐懼曰上章言道不可須臾離此言戒懼乎其所不睹不聞也謹獨若是不可離又問或欲謂戒懼是其常也獨是謹其所發曰如此

也好又曰言道不可須臾離故言戒謹恐懼其所不睹不聞言莫見乎隱莫顯乎微故言謹獨又曰戒謹恐懼是由外言之以盡于內謹獨是由內言之以及于外問自所睹所聞以至于不睹不聞自發于心以至見于事如此方說得不可須臾離出曰然語錄又云泳曰竊謂因物欲之淺深可以見氣質之昏明猶因惻隱羞惡可以見仁義之端曰也是如此語錄又云先生一日腰疼甚時作呻吟聲忽曰人之爲學如

某腰疼方是在坐者皆不能問泳久而思之恐是爲學功夫意思接續自然無頃刻之忽忘然後進進不已痛楚在身雖欲無之而不可得故以開論學者其警人之意深矣黃勉齋文集云伯量兄弟孝友人無間言又推其施之家老達之鄉有南康胡氏鄉約

余宋傑字國秀考亭淵源曰大全集載其問答甚多朱文公語錄宋傑讀書遇曉不得處卽與下再三讀之竟不曉卽置不復問不用

在先生曰其病在是國秀說太極曰公今夜說
得都似只是說太極是一個物事不得說太極
中便有陰陽也不得他只說太極動而生陽動
極而靜靜而生陰公道未動以前如何曰只是
理曰固是理只不當對動言未動卽是靜未靜
又卽是動未動又卽是靜伊川云動靜無端陰
陽無始惟知道者識之動極復靜靜極復動還
當把箇做劈初頭始得今說太極動而生陽是
且把眼前卽今箇動斬截便說起其實那動以

前又是靜靜以前又是動如今日一晝過了便
是夜夜了又是明日晝卽今晝以前又有晝了
昨夜以前又有晝了卽今要說時日起也只且
把今日建子說起其實這箇子以前豈是無子
陳宏祭文曰惟君稟資端重度量裕如蚤得師
友教授鄉閭德行兼茂學探泗洙臥病在家天
其舍諸我來試罷實仰楷模力疾訪我論偉貌
癯爲信宿留遽曳歸輿方圖解綬復拜君廬云
胡不淑素志頓淪一卮致奠有淚如珠

呂氏字德明白鹿洞宗儒堂從祀第廿世傳其七
言絕句詩曰陰陰經底葱抽葉漠漠籜籜豆結
花咲霍清愁牽犬報料應不到菜園家借泥輝
第炳燾煥游未晦翁之門而炎燾煥道德聞望
尤為學者所尊時比之三鳳云王洽此例各
文紀傳各名
呂燾字德昭號月坡白鹿洞從祀宗儒堂第煥字
德遠 朱文公集入書曰建昌二邑在此講論
麓有條理 朱文公語錄曰燾問三季學不至
於教是無所為而為學否先生曰然 謝方輿

建昌縣志

卷之六

人物

三十五

遷殿中侍御史請錄朱某門人胡安之呂燾蔡
模詔皆從之

劉賁字炳文南康軍建昌人考亭淵源錄編朱氏
門人無記述文字者炳文其一也又見舊志

周謨字舜弼考亭淵源錄載周謨遺事先生以書
與舜弼曰臨別所說務實一事途中曾致思否
今日學者不能進步病痛全在此處不可不知

也 李敬子說居喪欲嚴內外之限莫若殯于
廳上庶幾內外不相通舜弼云終喪不入妻室

雖漢之武大亦能吾人稍知義理當不待防閑
之嚴而自不恣爲矣先生云敬子說是古人殯
于西墻設倚廬于楹中皆在中門之外也舜
鵬云平時慮爲異教所汨未嘗讀莊老等書今
欲讀之何如曰自有所主則讀之何害要識其
意所以異于聖人者何如耳舜鵬爲學自來
不切已體認却是尋得兩三字來撐拄亦只說
得箇皮殼子黃勉齋著周舜鵬墓誌畧曰謨
字舜鵬八世祖勅仕南唐李氏有軍功官至御

建昌縣志卷之六 人物

二十六

史中丞從居江州瑞昌縣今爲南康軍建昌人
少警敏嗜學兩預鄉薦文公朱晦菴先生守南
康軍樞衣登門盡棄其學而學焉晝抄夜誦精
思篤行南康抵武夷且千里有重岡複嶺之阻
謨嘗往就學先生守臨漳去武夷又千餘里又
往求卒業既歸溫繹所聞以書請益先生荅曰
講學持守不懈益勤淡慰所望當此歲寒不易
其操尤不易得也居家孝友毋喫蔬食二年治
喪悉用古禮斥去浮屠老子法鄉人多效之先

生又以書勞之曰居喪盡誠不徇流俗此人所難其見稱重如此先生歿僞禁方嚴君冒隆寒戴星徒走借鄉人受業者往會塋年逾六十矣家故貧事孀嫂撫兄之子極其敬愛交朋友處鄉間無間言卒嘉泰壬戌塋于甘泉鄉箬坑之原先生歿學徒解散靳守舊聞漫無講習益微言不絕如綫獨康廬間有李敬子燔余國秀宋傑蔡元思念誠胡伯量泳兄弟帥其徒數十人惟先生書是讀季一集迭主之至期集主者之

家往復問難相告以善有過規正之歲月漫久不少怠嘉定丙子幹自漢陽道過其里集中來會者十七八人皆佳士也何其盛哉

熊兆字世卿受業于朱子得其傳隱居弗耀自號拙逸子朱子著拙逸子說遺之

李亮采建昌人宋熙寧間武昌通城縣令吳履中以書幣聘海昏李君亮采李君應之吳令曰子與其教事而我知其政李君力學以待舉修邑以攻人士皆樂好之吳君公事退則來燕于

左經右律靡日不勤于是士得師友而並與于學

見黃山谷通城
將資漢堂訂

何明字上達正德間補弟子員敢麗好古志不俯仰于時潛心理學兼通詩賦督學蔡文莊公清邵康僖公銳並式其廬蔬酌止宿譚詠盡權而別親喪廬墓羣虎逸之不驚時巨盜遍掠邨里公佩劍蕭天冠攜壺漿迎之途日以犒壯士免入吾土不則請以身代一鄉之命盜義而去之

建昌縣志 卷之六 人物

三十八

萬曆年合詞具請入祀鄉賢有三溪文集藏于家

余廷輔字道卿補弟子員知縣李剛忠李考績其義以冠諸生晨赴帝過還金寸紙無其人至日長還之有司以還金高節補其其間後棄制舉為理學游見羅李公之門自是絕跡縣庭吟咏取適而已有集若干卷

熊士愷字仲高性醇謹未冠已能推甘讓粳折節為士行欽欽聲如老衲然以文德陽江科給事

惟矯矯塵虛之外，有淵從蹤一毫不苟者。嘗階勢傲利爲不義也。天啓辛酉中鄉試崇禎庚午從德陽副詹事黃道周典浙江鄉試事道周授以鄧元錫函史篤信潛讀二十年寤寐以之德陽者隱雲門士愷侍養能得父權少長與兄士元遊學怡怡終身如一日晚節嚴事星子宋惕爲畏友族子維典作令書問無利語惟拳拳囑曰毋以是敗年五十六卒維典誄之曰韓退之詩惟用法律自繩已皇甫持正云刻意厲

行如奉商執之法而懼泰刑斯二言者惟吾仲高先生有焉蓋實錄云

宋惕星子人別見游寓其力學校從在建昌居多鼎革後竄跡林臯不上公車不入城市不接見貴人客不納交餽無貨財不言乏屢災旱不憂歲內顧而不言家累不生言而不言嗣艱皇皇乎惟德不進業不修未能訪高人鴻士于海內以講習其學爲已患未能致命遂志以爲已恥而已雖嚴寒劇暑必雞鳴起危坐觀未發氣象

始從對時育物體會自得後以爲非誠敬存之前功且棄故用堅苦功夫緒成一片凡二十餘年只此一事蚤夜提撕絕不放倒故其進進不已嘗謂功夫不續在動靜之間此處續得去則心便一又曰極麤之欲非極細之心不能克寬怕貪過頭話而功夫鮮著落處晚讀胡敬齋居業錄持敬益加緊密年五十六申風暴率門生交友相率而祀之識仁堂以附于程明道先生之祠

建昌縣志

卷之六

人物

忠節

歲寒而松柏顯火烈而瑾璋辨疾風勁草斯爲難矣以彼遭時不造義不苟全大節可觀一人非少寧不足以激揚風化啟率人倫者乎故弁之隱退之前以爲事人者勸焉

李成大字實夫南康軍建昌人寶祐四年進士德祐初以金壇縣北兵至與寄居官潘大同大本率兵民巷戰不勝大同兄弟歿之吏民挾成大降乃潛與胡用存謀復金壇事泄繫獄於京下

屈遂殺其二子懼之終不屈笑曰子爲父死臣
爲君死卒殺之事聞贈朝散大夫直秘閣謚忠
節制曰外難方熾擁名城數十而降者相望守
封疆之臣父忠干前子繼干後如晉亡氏可無
褒乎通直郎知鎮江府金壇縣兼弓手砦兵正
李成大勁氣排霄精忠貫日壯志弗就以歿其
身襚以大夫之階官其二孤用慰英爽

涂君鼎字和之別號四極本漢金日磾後宋高宗
時有兩川制置使斌賴以姓同北國號求更上

建昌縣志

卷之六

人物

四十一

爲加三點成涂君鼎其裔也少恂恂莊莊不苟
舉止爲諸生範滿以意爲度贛州府學訓是時
吉州戒嚴軍興渴午君鼎以訓導假通判銜辨
事不言功不求實袖揚閣部廷麟萬部院元吉
並心噐之擬題敘而贛城破君鼎乃論長子弘
斌使脫身歸曰我與城亡永訣非恨獨以一種
而使汝曹爲殉如似續何何以慰先人于地下
儻而得緩須臾歿血瀝可念勿以吾委蛇爲憂
而稽歸報斌慟哭不忍去君襟肅衣冠自經先

是公子弘祐領進賢社義兵冒暑督戰中竭而
歿季子弘祉于衙齋與兵鬪而歿元配熊氏弘
祐妻熊氏抱其女弘祉妻李氏攜兩歲孫並投
儒學傍井歿之二婢呂氏端香從之斌得間歸
脩數公抗節暨闔門貞烈狀如此久之同官龔
者黃希元歸述其事于星子宋惕惕爲作傳賦
詩惕友人楊益介賦絕句十六首存七首惕近
體詩曰孤身孤月贛城頭任作南冠只自由氣
引百鈞爭一髮官無九品重千秋劍懷過似豐

城拂冰性肯依章貢流欲賦招寬招未得湘江
風雨思悠悠益介詩曰見說平生不炫奇恂恂
處予少人知時窮忽作驚天事志士從來有不
爲累月孤城四面危南門二老越清池微臣力
盡還衙舍早辨全歸一丈絲糞鹽半世老夫人
一命珠霞未被身自倡闔門歸古井到頭方信
女明倫一派貞竟盡井泥頌憑冢子托宗支黃
金不惜買身去孝子忠臣兩得之殉義盈門寬
可憐團團骨肉散飛煙癡情較惜童孫子未有

程嬰保不全二婢娉婷亦自癡偷生轉眼是花
期傾身赴歿同甘夢若箇忠貞比雪兒痛殺當
年帝后殂珠沉玉碎古來無金臺殉義多萃要
難似齊官於較書

孝行

南北朝

司馬嵩字文昇河內溫人父子產水部侍郎岳陽
太守梁武帝之外兄也嵩幼聰敏有至性年十
二丁內艱孺慕過禮水漿不入口殆經二旬每

建昌縣志

卷之六

人物

四十三

至號慟必至悶絕內外親戚皆懼其不勝喪父
曉諭之逼進餽粥然毀瘠骨立服闋以媼戚子
弟預入問訊梁武帝見嵩羸瘦歎息良久謂其
父曰昨見羅兒面顏顛顛使人惻然便是不墜
家風爲有子矣羅兒卽嵩小字也釋褐太學博
士累遷正員郎丁父艱哀毀逾甚廬于墓側一
日之內唯進薄麥粥一升墓在新林連接山阜
舊多猛獸嵩結廬數載豺狼絕跡常有兩鳩棲
宿廬所馴狎異常新林至今猶傳之奉聖中除

太子庶子江陵陷隨例入關而梁室屠戮太子
薨殯失所高以官臣乃抗表周朝求還江陵改
葬辭甚酸切周朝優詔答之卽勅州州以禮安
厝陳大建八年自周還朝高宗特降殊禮賞錫
有加歷位通直散騎常侍太中大夫卒有集十
卷子延義

延義字希忠少沈敏好學江陵之陷隨父入關丁
母憂忝過于禮及高還都延義乃躬負靈櫬書
伏宵行冒履冰霜手足皸疼至都遂致學廢數

建昌縣志

卷之六

人物

四十四

年方愈稍遷鄱陽王錄事參軍遠陵王友司徒
從事中郎

唐

熊仁瞻爲宜春縣丞居父母喪廬于墓側有慈烏
來巢事聞詔旌其閭宋朱熹知南康軍事爲文
遣祭明王禕有傳

已上並
祀鄉賢

朱如璧蚤喪父事母孝家貧賣薪易食以養歸必
詢安否寒則溫席暑則揮蚊二十餘年畧無勑
怠天寶間採訪使韋虛舟雅重之鄉人無不稱

宋

洪文撫本姓殷以犯宣祖備諱改姓洪曾祖諱唐
 虔州司倉參軍子孫衆多以孝悌著稱六世義
 居室無異爨就所居雷湖北創書舍招來學者
 至道中本軍以聞遣內侍裴愈齎御書百軸賜
 其家文撫遣弟文舉詣闕貢土物為謝太宗飛
 白一軸曰義居人以賜之命文舉為江州助教
 三年八月又詔表其門閭自是每歲遣子弟入

定昌縣志

卷之六

人物

第五

貢必厚賜答之文撫兄子待用登咸平二年進
 士第官至都官員外郎宣祖名以殷太祖之父

元

鄭佛生城內人蚤孤母病家貧無以為養賣菜以
 給歸必為母盥櫛飲食扶掖上下掃除便溺餘
 二十年母年七十餘以壽終有司以事聞表其
 坊曰旌孝錄付史館明史臣宋濂元史孝友傳
 敘曰事親篤孝者則有建昌鄭佛生等云

明

○ 天性孝友父希萬繼母曾氏同患時疫日夜痛切無計醫治遂割左股奉療二親果愈後喬妻余氏產後重疾男張是又割右股救母余亦尋愈兩世孝感如此經嘉靖隆慶萬曆年范公蔡公鄭公朱公諸學使者屢加優獎題其門曰父子孝行之居

杜翹林永豐鄉人性淳慤孝友嘗共浙人商誤羸四十金別三日買舟追還之以此名重宗黨父病篤嘗冀割股延百餘日不起毀形骨立廬於

建昌縣志卷之六 人物

四十六

墓左有蛇大如斗且交蟠左右馴甚一時傳誦縣宰紳衿莫不往觀翹林送迎不越百步知縣陳公良謨申表其門

涂守鏐永豐鄉人母病且亟忽思鹿肉鏐割股代之母延壽九年守柩三載直指王公尚志扁曰克誦蓼莪

甘調鼎邑廩生母王病危醫不效藥鼎嘗煎可治投藥而愈

殷紹夏事母孝母皮早寡撫紹夏成人爲諸事

讀書白鹿洞會母病見夢驚起奔回割股而愈
通學公舉按院吳行學旌之

江中清白霍坂人母病割股獲痊逾年後歿

徐用偉沙灣人順治十八年母病割股而痊明年

元旦族祠旌賚

魏良勳割股救母袁氏母亡勳亦毀卒

優丐二孝子其一丐者姓劉禿而鬻且吃所至爲

胡孫戲乞得醪肉歸奉其母母歿風雨旦暮輒

往號泣其一優人王球授徒必匡坐正顏色

建昌縣志

卷之六

人物

四十七

徒不敢譁亦善事母侍問恭謹母故其徒編素
執紼如士人家禮儀

母病割股獲痊

何大忠李聯璧皆隱退者生于宋愷爲作傳曰修
江之隱有兩處士焉一爲李子聯璧一爲何子
大忠李峻潔孤往似平狷者何故曠達且嗜酒
有古狂士風先皆建昌名諸生乙酉棄之入山
民矣屬督學鮑者歲校南康檄下府縣庠大索
隱不考者累及族何有叔小心懼旣及逼令應
考大忠不得已隨衆點名入考席亭午持白卷
交曰我心對此輒痛不能文也願罷黜鮑視其
卷署廩生怪之令補考不應鮑知不可奪爲咨

建昌縣志

卷之六

人物

五十二

嗟累日何旣出使長嘯歸借子特達躬耕龜山
益豪于酒遇風晨月夕則飲花下飲池山飲高
人逸客或過訪則談笑竟日飲村莊田夫及常
所往還非知交者則譁謔飲有所感傷鬱鬱則
又痛飲微醺輒歌已輒題數句不叶律韻取
適已興而一已日讀傳聿菴先生絕命詞拊胸拍
案叫曰誠不如死死好死好自是開門接人則
笑客去閉門則哭舉莫測其所屬辛卯秋
門塗者僑童子試延之飲并延嘗所師者

意人與飲多矣惟絕口不談人間世索醉便了
是日載頰以詞鋒侵之何不能平爲歷引古詩
舉羽鄭所南及何王金許之流以證其志言際
髮毗盡豎聲淚交下載忿作色何使隱几臥以
久主人虞其醒也勅勿動少需則吐血絕不復
甦主人愕然謂先生素善飲今纏未及量之半
何遽爾耶而通邑竟傳爲醉歟云竊史曰晦翁
謂隱者多負性氣以元亮之冲夷未免憤發子
別刺諸論何他論也於嗟非性氣二字忠孝種
子絕矣何生不輕罵人一罵人輒歎此何等性
氣彼罵人不歎已不代人歎者無性氣故

徐相德字仲英力耕於寧遠鄉山背孝事孀母邵氏篤摯忠厚積德累仁屢獲天佑暨除如夷嘗遇虎覆舟俱得不死咸以爲異享年八十有二經課兒孫皆厠膠庠學師余允光贊曰有道之士陸行不畏虎豹水行不畏蛟鱷其中皆生趣也徐曰昌尊人遇虎若犬豕臨深得淺處夫豈偶然所以致此者非倖予甚嘉之取諸乾以儆其德云扁曰大生合德郡侯薛所習扁曰德必有壽仰縣鼓樂迎送以表天佑善人之意司李

范初扁曰純嘏介眉縣侯魏喬魯扁曰評高且俱痊之

係一經年十二歲割股救母胡氏病愈

